

Tamos cansaes d'extremistes relixiosos que denunciem al personal por practicar albuertos. Queremos tolerancia cero pa con estos radicales que concéntrense frente a les clínicas cuando superen los marxes de la llibertá de manifestación, xunta ya espresión. Cansaes de la xusticia patriarcal, que non solo -yos esculpa, sinón que permite'l so acosu, apoyándose n'un sistema que fomenta la violencia obstétrica, cuando somete a les muyeres a albuertos farmacolóxicos, quitándo-yos la opción de decidir el métodu más fayadizu a les sos circunstancias, favoreciendo'l sistema capitalista y de les farmacéutiques. Desiximos la formación de les y los profesionales nes técnicas d'interrupción voluntaria del embaranzu pa que esto nun siga asocediendo.

Desiximos la dotación presupuestaria necesaria pa poner en práctica la Lley de la Salú Sexual y Reproductiva, asina como los métodos anticonceutivos. Creemos na importancia de la educación sexual y reproductiva nel sistema educativu.

Nun podemos seguir dexando la infantilización de les muyeres de 16 y 17 años, con plena capacidá pa decidir llibremente sobre la so vida y salú, como trabayar, casase, refugar tratamientos médicos, pero non pa la IVE. Fáise imperativo que se desanicie la condición de l'autorización de la tutoría llegal pa qu'estes muyeres puedan aportar llibremente.

Esta sociedá patriarcal nun mos permite de nenguna manera que seamos dueños del nuesu cuerpu y les nueses vides, por eso llexislen, organicen ya impónennos normes absurdas qu'atenten contra toa lóxica feminista, como los tres díis de reflexón, qu'en nengún otru tipu d'intervención desixente, pero sí pa la IVE. Desiximos una vegada más que se respeten los nuevos drechos, que modifiquen una llei que nun mos garantiza ser dueños del nuesu cuerpu, la nuesa vida y la nuesa mente.

Oponémonos firmemente a la oxeción de conciencia, una espresión más d'un patriarcáu ranciu, cola que traten d'imponer los sos convencimientos relixiosos o morales, percima de les decisiones de les muyeres.

Si nun táis capacitáos ni capacidades pa ofrecer tratamientos llegalos, eficientes y en beneficiu de les muyeres, imponiéndonos métodos inseguros y condiciones d'illegalidá, nun tendríais d'exercer la medicina, porque, decímosvoslo bien alto, cuando una muyer toma conciencia, la sociedá namái debe respetala.